

A GEBOORTE AKTE

San yu musu du te wan pikin geboro ?

Te wan pikin geboro, den bigisma abi a **plekti fu taki a geboro** nanga gi en identiteit.

So, fu meki a pikin erken nanga fu poti a wèt banti nanga den bigisma, te a geboro a pikin musu **verklaar na a burgelijk stand fu a presi a geboro**.

A verklaring na a **pa fu a pikin musu du en ini den 5 dei baka a geboro** noso, efu a no de so, na a datra, a verloskundige noso wan tra sma san ben de na a bevalling.

A pa musu go nanga a datra certificaat san a datra noso a verloskundige meki, a verklaring fu en kisi, a erkenning papira efu a disi meki fosi a geboro, den identiteit karta fu den bigisma nanga a famiri buku efu den bigisma abi wan kaba.

A ambtenaar fu burgelijkzaken sa meki a geboorte akte ini a burgelijkstand fu pe a pikin geboro.

Den fosi nen nanga famiri nen fu a pikin sa skiri ini den buku fu burgelijkezaken semi gi den identiteit fu den bigisma.

Nyun : a ten fu meki a verklaring fu a geboro kenki fu 3 dei go na 5 dei.
(wèt fu 18 november 2016).

San yu musu du efu a geboro passa ini wan dorosei kondre ?

Efu wan pikin geboro ini wan dorosei kondre nanga a de fu frans nationaliteit bika den bigisma fu en abi frans nationaliteit, dan a musu skrifi ini den frans burgelijk staat buku.

Den bigisma musu du wan **begi fu transcriptie fu a geboorte akte san meki ini a dorosei kondre na den frans consulaire autoriteiten**.

A geboro sa skrifi ini den burgelijkstaat buku fu Nantes.

Fa yu kan kisi wan geboorte akte ?

Fu man kisi wan geboorteakte, yu musu gi a **famiri nen, den fosi nen, nanga a dei fu geboro** fu a sma san abi a geboorte akte.

Te yu aksi wan integraal kopie noso wan uittreksel nanga filiatie, yu musu gi den nen fu den bigisma tu.

Efu a sma san abi a geboorteakte no abi banti nanga a begisma, yu musu sori a filiatie banti noso a kwaliteit fu yu san e meki yu meki a begi.

Yu kan aksi wan geboorte akte te yu na :

- A sma san abi a geboorte akte (efu yu meerderjarig), en wèt vertegenwoordiger noso en masra / frow.
- En ascendant (bigisma, granpa /granma) noso pikin pikin (pikin, granpikin)
- So wroko sma te wan wèt de san e makti den (afkati gi wan klanti gi eksempre)

Gi den sma san geboro ini Franskondrea geboorteakte musu aksi na a **burgelijkestand fu a presi fu geboro.**

Yu kan meki a begi **tapu internet tapu a website fu a koleisi fu a geboro** noso **tapu <https://mdel.mon.service-public.fr/acte-etat-civil.html>**, via brifi noso drape.

Yu kan meki a begi tapu wan papira. Yu musu seni wan envelop nanga postu stampu (normaal postu stampu) nanga a adres pe den musu seni go baka nanga yu musu poti den informatie san de fanowdu.

Gi den sma san geboro ini wan dorosei kondre nanga san de fu frans nationaliteit, a geboorteakte musu aksi na a Centraal Afdeling fu burgelijkestaat fu Nantes.

Yu kan aksi en tapu internet tapu a website <https://pastel.diplomatie.gouv.fr/dali/index2.html> noso seni wan brifi gi a Centraal Afdeling fu burgelijkestaat fu Nantes.

San yu musu du te a geboorte akte mankeri ?

A kan pasa taki so sma no abi geboorte akte. A tekort disi kan de so bika fu wan lati verklaring fu geboro na a burgelijkestand, dati wan taki baka den 5 dei.

A tekort fu geboorte akte disi sa gi furu problema ini a ala dei libi bika den e aksi en furu leisi, leki fu skrifi wan pikin na skoro, gi den proceduur na a prefektuur, na den burgelijkestand, den krutu oso nanga na sociale verzekering.

Nanga yu musu bigin wan proceduur fu kisi wan **vonnis fu verklaring fu geboro** san sa de semi leki wan geboorteakte nanga san sa meki yu man skrifi a sma ini den buku fu burgelijkestaat.

San yu musu du : Wan begi fu vonnis fu verklaring fu geboro

Tu fasi de:

- Wan **begi fesi a Krutu oso fu Hei Instantie**, nanga a yepi fu wan afkati
- **Wan verwijzing fesi a Procureur fu a Republiek**, sondo a yepi fu wan afkati

A begisma musu sori a geboro san musu skrifi. A kan tyari **verklaring fu sma san ben de kotoiki fu a dei fu a geboro.**

FANOWDU PAPIRA

- Wan certificaat fu a datra san e sori a rutu nanga a libimarki fu a sma.
- Den verklaring fu tu noso dri sma san ben de kotoiki fu a geboro tapu a frans kontren, nanga den kopie fu den waka papira.
- Ala tra fiti papira fu a geboro tapu a frans kontren (datra buku, verklaring fu datra sma, skoro papira, famiri buku ...)
- Wan libi presi papira san no pasa 3 mun (stroom kwitantie, telefoon noso lanti moni papira)

Baka a besroiti fu a krutu oso, a geboro sa skrifi ini den buku te yu sori a vonnis.

San yu musu du te wan fowtu de tapu a geboorte akte ?

A geboorte akte na wan papira fu burgelijkestaat. Ai meki a percies identiteit fu a sma sori. So a abi a famiri nen, den fosi nen, a presi nanga a dei fu geboro nanga ala den informatie fu den bigisma.

Efu wan fowtu noso fergiti de tapu a geboorte akte, leki wan fowtu tapu a skrifi noso san pasa, dan yu musu aksi wan **verbetering fu a akte**.

San yu musu du : Wan begi fu verbetering fu burgelijkestaat

Ala sma san wani wan verbetering fu wan geboorteakte kan du **a begi fesi a Procureur fu Republiek na a Krutu oso fu Hei Instantie fu a presi fu geboro, ini a skrifi**.

Yu kan meki a begi tapu wan normaal papira noso tapu a **begipapira Cerfa n°11531*01**.

FANOWDU PAPIRA

- A geboorte akte san musu kenki san no pasa 3 mun
- A identiteit karta fu a begisma
- Ala den fiti papira san kan meki a kenki fu a geboorte akte psa
- Wan libi presi papira san no pasa 3 mun

Yu musu tyari no seni ala den papira gi a Procureur na a Krutu oso.

A begisma sa kisi wan piki fu a verbetering fu a geboorteakte nanga a sa kisi so wan geboorteakte san kenki.